




ЦЕНИ ЗА ИНОЖЕМСТВО:

Београд: 5000 вайца
Београд: 2:200 000 слу-
чайних и нїзозчим виво-
ланих случайних преход-
нікох и виманипулованих
фашистоидних елементох
Београд: 50 000 пендреки




*ГЛАШНІК ПО АРАПСКИ. Число 2. 01.01.1997. Цена: По догварки. Виходзи анално
Рок II /раз рочно/



КОЛЕОПАТРА

БЕГЕЛЬСКА ПРОРОЧИЦА, ПАТРАЧКА ДО ВАШИХ
ШОЛЬКОХ, ДЛАНЬОХ, БУТЄЛАРОХ И КУПАТИЛОХ
одвитує на вашо питаня



Колеопатра

Почитована Колеопатро !
Мам 86 роки, остал сом без єдней ноги у дру-
гей шветовой войны, а без другой у Вьетнаму.
Дал сом и оглас до новинок, але ше ніхто не
явя. Любел бим забавиц фодбал за "Червену
Гвизду". Чи то могуце?

ВЛАДИМИР ОФСАЙД
ГЛУПИХ ПИТАНЬОХ 27/а
16592/V МАНАГВА
НИКАРАГВА

Мили Владку !
Баяко же биш мог. Ша озда не думаш же то даяки вельки хендикеп
за єдного потенцияльного аса твоего калибра. Потребна-ци лєм
дзєка, сцелосц, 1000 немецки марки котри ти ми длужни за о одвит
и кариєра пред тобу.

П.С. Дзєка и сцелосц не таки битни.

Х.М.

П О С Л Е 2002-ого : Звит зоз сайму патентох у Сомалиї

Цєнсни музичаре?

Пришла жима, кельо шнігу будзе не знаме, але рестрикції озда
праве будзе. Требали бисце отримат концерт, але як кед нет струї?
Волїце нам ше питац як ше обєщиц на дзверка сусєдового польско-
го клозету. Добитнік першей награди у Сомалиї, млади Холандски
науковец Мирко Ван Хорнниксен рижел и тот ребус. У недостатку
струї вєкшина музичарох ше преориєтовала/дзєкуюци Ван Хорн-
сенowi/ на гитари зоз нукашнім згорйованьом. Положице на хрибет
карнистер зоз 35 литрами нафти або бензину, предзиравце го и
вохпайце цивочку. Други кєнєц цивочки вохпаєє до гитари. До ги-
тари положице троцилиндрови мотор моци три коньски моззги. Нор-
мально, положице и ауспух на гитару та маєє ище єден хасєн: Заку-
рице бину и направице таки сцєнски ефект котрого би ше не за-
ганьбєла ані Весна Змиянац. Гитара барз практична, можеє ю грац
дзє ше вам перднє, а не як застарєни електрични гитари лєм при-
жридлу струї. При граню поп и рок музики гитара троши 11-13 ли-
три на годзину, док за блюз, джєз, метал и панк тиж так. Ище єдно
надпомнує: Не забудзєє положиц рєгистрацию на гитару же бисце
не малє проблеми зоз милицию. Перши фирми котри купєли патєнт
Холандского гєния то: Фєндєр нафтокаєтер, Ибанєз-дизєл, Джибсон-
петрол, Джексонмазут и Октанкрамер.
Тєльо за рубрику "Послє 2002-ого". Поздрав зоз Сомалиї.

Х.М.

СЕНЗАЦІОНАЛНЕ

ПСИХОЛОГІЙНЕ ВИГЛЕДОВАННЯ: Вплів дезенох на фіронгі на деликвенцію младих керестурцох

Иритируюци зарйованя виволую дезени у фіурми конських копи-тох и пионирских шапкох. Кед даяки малолітнік регіструє тоти мустри, у нїм ше явя потреба за випражньованьом фрустраційох и комплексох нїзшей вредносци. У хвилькох розстройства млади керестурци, под впливом горенаведзених дезенох, виписую графіти по мурах, крадню беджи по ватарох и огваряю найлєпших товарішох. Од 100 анкетованих младих особох, 73% маю жажду поробиц дацо пакосне и до болю подле. Кед зме указовали 10 випитаним лилову фіронгу на котрей були мотиви чарней пионирской шапки, вони ше пооблапляли и одшпивали японску гимну на арапским диялекту, цо ясни знак деструктивного вплиу на роздумованя наших анкетованих. Цо робиц кед дойдзе до того, питаю ше застарани родичи. Ваш психолог вам да совет: Найлєпше ше обещиц, препущиц ше депресії и не треба вериц же приду лєпши часи.

Без причини непризнати магістер психології КОЛБАС ОЛЕГ

СТАРИ РЕЦЕ/ПТ/ ЯК ВАРЄЛИ НАШО БАБИКлюкани гестинї

П О Т Р Е Б Н Е: Стара ренда, здохнуте коше, презли/не барз зли, алє отрушини 7,3 вайца, 2 кг цукру, 1 кг солї, пицайзли, 1/2 литри преробеного олею, 1/2 литри непреробеного олею, вентили зоз гуми, пакни зоз "фічи"/ЗАСТАВА 750/, лішаї, храсти и кошар сирових гестиньох.

НЕПОТРЕБНЕ: Коментар.

СПОСОБ ГОТОВЕННЯ: Здохнуте коше одреме и очисциме од бурагох, вец руциме месо, а вежнеме одарту скору и бураги. Тото ше шицко ведно руци до котла и помишча и попаткань зоз надробно нарезанима пицайзлами и лішайми. Уси́пеме пол литри преробеного и непреробеного олею и на тихим огню/таки огонь цо не лярма/вариме. После едней секунди кладземе цукер, соль и вентили зоз гуми, а после 2,7 дзешатинкох розбісеме 3 вайца/два свойо и едно суше-дово и положиме пакни зоз "фічи". Док ше то так вари, кяду гестиню розбісеме по поли и винеме ей нукашньосц так жеби оста-ла лем лупка. До котла руциме храсти/швижи/, и о пол годзини оцадзиме тото цо у котлє и омотаме го до старей ренди. Вец зоз ренду натресаме до жеми и кед почувствуєме пах нечуханих зубох починаме польніц обидва поли лупкох зоз гестинї и ліпиме их зоз ОХО ліпкадлом. Гестинї ше сервираю у ботошох, а хто сце може их преляц зоз варикину.

Так нашо баби варели, а як нашо дідове поврацали, о тим будземе у даедним другим чішлє.
С М А Ч Н О Г О ! ! !

О.К.

Е П П

Окрадніме Войводи́ну
На будземе мац бензину
Н И С

Х.М

Е П П

Предаваме оригінал "старки"
одпорни на воду и барки
П.З.

ЛИТЕРАТУРНЕ БАЛЕЗГАНЕ

ЛИТЕРАТУРНЕ БАЛЕЗГАНЕ

ЛИТЕРАТУРНЕ БАЛЕЗГАНЕ

Як и у прешлим чистле, так и у тим обявюеме твори/хорти/ наших младих и насампредз талантованих поетох. Пре причини котри обнародовани у прешлим чистле, буду то заш Мирко Хорняк-Коле и Олег Колбасов-Колби, т.е. ми двоє. На тот завод Олег т.е. я/вон/ Вам ше представи зоз опусом о преходносци живота, док ше Хорняков т.е. я/вон/ представизоз писнями пошвеченима прогресу чловечества.

О.К.+Х.М.
/не фразер и фразерка/

ПИСНЯ ОПТИМИЗМУ

Роки ме прицисли, вецей сом не млади
20 лета за собу, до косцох ми става
чекам кеди ме положи до лади
челама най ми ловгнє глава

А кед ме вежне чарніца
и док труна будзе зготовена
буду гуториц "Тот бул пияніца
я инвестиция премашена

Дябол ми єдини товариш будзе
а бочни сушед бог
на други швет ме послали людзе
од кари сом сцекнуц не мог

Я думам же ше у тей писні наглашує
же вона з оптимизмом зареє
главни ту мотив радосц живота
кед не так-най ме спражи слункова пекота
О.К.

ЦО БУДЗЕ КЕД КОЛБИЯ НЕ БУДЗЕ ?

Якише бешеди буду чуц медзи вами
док Колби вецей не будзе з нами?
цо будзе кед го закопу у древеней шкатули?
чи будзе вецей тих цо го паметали, чи цо го забули?

Чи його писні буду ише популярни,
чи их преглаша за глуми и вулгарни?
можебуц ми дахто принесе аж и венец
а будзем задовольни кед то будзе голем руменец

На памятник сцем слику зоз школярскей кніжочки
бул сом шумни на своєю 7 рочки
и древену лавочку на празним простору
хто ме придзе опатриц, най ше не виклада напору

На лівим боку плочи будзе ангел з криделками
а на правим дябол з виделками
най ше грижу док Колби у лади шедзи
та як ше гвари-най лепши победзи

Главни особи у тей паради:
паноцец, гробар и Колби у лади
кед ми случайно буду давац службу
против церкви поднесем тужбу

Остатні прикладнік генерації 1976. року
одходзи на прихильни одпочивок до раю
найдзе ше слика у "РУСКИМ СЛОВЕ" на предостатнім боку
ин мемориям уплацели тоти цо го познаю

Медзитим! Колби ише вше не идзе до раю
бо Колби ише у оптицаю
а то були лем Колбийово предпоставки
док ше досадзобал на математики у остатней лавки

О.К.

Т У Р Б О М И Ж О

Чи то ракета, чи то авион
або блізкавка розбешена
21. век уж на колєнох
така швидкосц ише не зазначена

То не ракета, ані авион,
то Мижо гной на кочу вожи
падаю шицки закони физики
шветлосну швидкосц пофрешко загрожи

"То будзе бетяр"-гуторя старши
"Яки є шумни..."-дзивки шептаю
абсолютни герой куртого шору
шицки го любя, шицки познаю

Єден конь цага, други конь вожи
пре таких пнякох Керестур препада
пакуй ше дому идиоте глуми
2 вики за шветом хто пожніц жада?

Х.М.

ПРЕШЛОСЦ ПРЕД НАМИ /Заблукани у чаше/

Амала купує кудзель у робней хижи
череги у Мекдоналдсу ані кус не швижи
у Ньюйорку закончена продукция клоча
Вилиямс-Рено не швидши од коча

Хитлер ше зоз Мусолинийом спайтали
Леона дує на елетрику най ше загаши
Онуффи у Австро-Угоркей служи войску
Немецка ше рихта нападнуц Польску

ДВА КРАТКИ ПРИПОВІДКИ /Одна од них безплатна/

Д І Д О П А М П У Р

Дідо Пампур отворел дзвери, поцагнул зоз цигара, положел касету до касетофона, поглашнял тон до латки и вец. Облаки ше тресли, а бесни сушед незнал дзе сивер та. Тоти цо ше тамаль шпотали могли але не мушели, а кед би сцели могли би, але ебига, цо да им робим, таки су та. Кед Дідо Пампур видзел того цо не було видно, йому було шицко едно чи. Хтошка ше познейше здогаднул його словох: -Слунечніки кашлю иншак./Конец цитата/, але под стару спаднуту ліпу лежали залюбени двою и не заваждало им, мали поламани ребра, же вон ве-цей не годзен ходзиц а вона страцела златни ланцюшок. Були залюбени и ніхто им ніч не могл, а ніхто им ніч ані не сцел. И teraz паметам: Дідо Пампур бул найпампурастейши медзи бабами, а не знам точно, але знаце як ше то уж гвари: -Шедне и на пса дідо мраз !!!

О.К.

М У Х А

Лецела муха понад стадион и припатрала ше на узносних хлопех як оганяю за ладбу, а на ніх кричи громада людзох. Ту ци гу нєй прилецело праше та ше ей торта/пита/:

- Цо ше ту случує?
 - Ево, бавя хлопи фодбал та навиям-гварела муха.
 - Може з тобу? - питала ше праше.
 - Баяко же може? - одвитовала муха.
- Одразу прилетли и паткані та гуторя:
- Ми навияли на гевтим голу та, реку, чи можеме зоз вами...
 - Може, може - зложили ше и муха и праше.

Кед белави дали гол, шицки ше зрадовали, але ніхто не видзел же муха ма необритвени ноги.

О.К.

Р Е К Т У М И З М И /Зоз малого мозгу/

1. КОМПРОМИС ТО РАЦИОНАЛНА СПРЕВОДЗКА ЗОЗ ДВОХ БОКОХ
2. КЕД СЦЕШ ШВЕТ ОБРАЦИЦ НАСПАК, ТИ СТОЙ НА ГЛАВИ
3. ЛЕПШЕ СТАНУЦ НА ЛІВУ НОГУ ЯК НА АРДЗАВИ ГВОЗД
4. ДОК НАШО ЛИНГВІСТИ ШИЦКИ СЕРБИЗМИ ЗАМЕНЯ ЗОЗ УКРАЇНИЗМАМИ, БУДЗЕМЕ МАЦ ЧИСТИ РУСКИ ЯЗИК
5. ВЕЛІ ХТОРИ НЕ СЦЕЛИ БУЦ ЧЕРВЕНИ - ПОСТАЛИ БЕЛАВИ
6. ПОШТЕНИ ЧЛОВЕК ТО ЧЛОВЕК КОТРИ КРАДНЕ ТАК ЖЕ БИ ГО ДРУГИ НЕ ВИДЗЕЛИ
7. ПРЕШПИ ЦАЛИ ДЗЕНЬ И НІКОМУ НІЧ ЗЛЕ НЕ ПОРОБИШ
8. ГЕОЦЕНТРИЧНА СИСТЕМА МА СВОЙО ДОКАЗИ КЕД ШИ ПИЯНИ: ЛЕЖИШ НА ЖЕМИ, А ШИЦКО КОЛО ТЕБЕ КРУЖИ
9. НАРОДНА МУЗИКА ТО АСИНХРОНЕ РОЗЦАГОВАНЕ ВОКАЛОХ, КОНСОНАНТОХ, ГАРМОНИКИ И СЛУХАЧОВИХ НЕРВОХ
10. АРИТМЕТИЧНИ ШТРЕДОК ТО ДЕГРАДАЦИЯ ГЕНІЯ НА ХАСЕН ИДИОТА

Х.М.

Иовген запрагнув авто за вола
у Новим Садзе отворена Перча школа
Колумбо вчера одкрив Америку
Да Винчи докончує Монализову слику

Ганя ше купа у судопери
Яков ше презнав же цо то постери
Веруново родичи були пралюдзе
Михо полєци-цо будзе, най будзе!

У "Карнексу" паля швинї зоз сламу
Маря ше ужера на неонску рекламу
Миронь резервиста на Косовским бою
Чи ти, Адаме, береш Еву за жену свою

Осиф незна цо то найлон-кеса
Ириней роби на видумованю колеса
дактилограф купел тш и два пирка
Андрій преучує як ше палї ширка

На Панонским морю рапидни прилїв туристох
Ленїн избрани за вождя комунистох
Дюра Прогрес ручно шєс жита
Иованка ше залюбела до товарища Тита!

Запнїме зложно зоз шицкими моцями
напредок людзе, прешлосц пред нами!!!

Х.М.

Було то ище едно литературне балезганє. Перши два писнї були
Колбийово, а други два Колейово. Кед вам ше пача вєц добре, а
кед вам ше не пача вєц менайце смак.

НАРОДНИ ПРИСЛОВКИ

1. ХТО ДРУГОМУ ДЗИРУ КОПЕ НАПЕВНО Є ГРОБАР
2. ДЛУГИ ВЛАСИ - КРАТКИ РОЗУМ. ДЛУГИ ЯЗИК - КРАТКИ ЖИВОТ
3. МИ О ВОВКОВИ А ВОВК НА ДЕМОНСТРАЦИЙОХ
4. ПЕНДРЕК ЗАКОН МЕНЯ, А НЕ НУЖДА
5. У ЦИГАНСТВУ КРАТКИ НОГИ, АЛЕ ГЛїБОКА КИШЕНКА
6. ХТО НЕ КРАДНЕ ТОТ ЦИГАНІ
7. ЛЕПШЕ КОНАР У РУКИ ЯК ГОЛУБ НА ТАШКОВИ
8. ХТО СТРАЦИ МА ПРАВО ПОНїВИЦ ДРУГИ КРУГ
9. ХТО НА ЦЕ З КАМЕНЬОМ УТИ НА НЬГО З ХЛїБОМ. ЧЕРСТВИМ.
10. ПРЕЧИТАЙ ПЕРШИ ДЗЕВЕЦ ПРИСЛОВКИ

Х.М.

Е П П

ZDIKE
З.П.

Е П П

ЄБЕМЕ СТРАНЦОМ ШИЦКО ПО СПИСКУ
КОЛЕМЕ ИХ И МЛАЦИМЕ У НАШИМ ДИСКУ
Михо и Дюра-приватни вандала
зоз Керестура Х.М.

ЗЛОГЛАВКИ

КУПЕТЕ - ПРЕДАТЕ

- Предавам половни тумор на мозгу "Туньо"
- Туньо предаваме нафту "Кувайтска индус трия нафти"
- Туньо купує менафту, а драго ю предаваме "Беопетрол"
- Предаваме смачни яблука "Адам и Ева"
- Купуєме нашеня червених ружох "СПС"
- Купуєме нашеня червених ружох "Дом култури Р.К."
- Предавам мапу Словенії у природней велькосци "А4"

УСЛУГИ

- Вершим безплатну масажу женских ерогенних зонох "До края царе"
- Гледам добровольца хтори умре место мне "Без гужви"
- + Завадзам при ученю, трепем погари по карчмох и дрем заяци "Бобина"
- + Ушушкуєм дзівчата, зогривам им посцеліну и закривам их вноци "ДР Оеткер"
- Неоженєти 70-рочни інтелектуалец гледа атрактивну 18-рочну дзівку за преса-дзованє паприги "Я будзем джобац"
- 2 Безплатно вам окрадам обисца
- Шмердзим до валалу "ФУЙ"
- Премашуєм пенали за ват тим "Йовичич"
- Г Безплатно нервирам ТВ патрачох "Срдян Кнежевич"
- Кусам арматуру зоз зубами "Вашима"
- Вершиме трансплатацию покрук-кох зоз амеби до касетофонох "SLONY"
- Прескакуєм боки у лектирох "Досц двойка"

- Обективно інформуєме "РТС"
- Мамо, приводзим дзівку на вечеру "Михо Ханибал"
- Понїшуєм виберанки и гажим устав "Пожаревацки Рамбо"
- Гледам Америку "Колумбо"
- + Виправяме герби, масираме пети, вицицуєме воду з колєнох и под. Поликлиника "ВРЕД", ул. Монголских Хордох 63/а, Руски Керестур
- + Видавам кармик за єдного студента, вода з Дунаю, швицка, слама, слама и копачи за огрив. Цена по догварки. 021/366-276

ЧЕРАНКА

- Черам "КАРРА" тренерку за параци плужок "Двеста на сат"
- Черам место на теметове за место у парламенту "Едвард Кардель"
- Черам вельку криглу у "Бомбаю" за Вельку Британию "Плус Ла Манш"
- Черам три крави, коня на видиху ипульку за гармонику и микрофон "Народняк у успону"
- Черам килу огня за 5м² води у праху "Идиот"
- Черам розбити нос за розбити погар "Чаше ломим, руке ми крваве"
- Черам древо котре бреше за Айфелову кулу на мунтатови "Пера Койот"
- Чераме воду у колєну за минералну "Клиника КНЯЗ МИЛОШ"
- Черам други альбум Бори Дрлячи за перши Весни Змиянац "Говно за говно"

СТРАЦЕТЕ - НАЙДЗЕТЕ

- Нашол сом мину а не гледал сом ю "Єбига"
- + Страцена парализована пудла зоз машлічку. Модліме того хто ю найдзе же би врацел машлічку ТЕМ: 3.0.Г. - а. ц. в.
- + Страцени ише єдни боди на своїм терєну "К.К. Русин"

- Страцени досіє без мена и презвиска. Шешлівому находзачови шлідзи 10 роки робиї "92"
 - + Найдзени ише еден страцени "Вше нас вецей"
 - + Найдзена неспозната женска особа на моім кавчу. Бешедує по російски. Кед дакому хіби най ше яви бо вона пита 100 марки котри сом ей наводно обецал "ТАКОЙ 11!"
 - Страцени синтисайзер " ". Поштеному находзачови як награда шлідза типки Ц,Д,Е,Г, з помоцу котрих мож грац писню "Идзе жима" "МАЛИ МОЦАРТ"
 - § Страцени локални виберанки "Идземе далей..."
 - + Найдзена дзирка на ролетни "Гроф Дракула"
 - + Страцена невіносьц. Шлідзи девизна награда "Бул залізани и запас/р/ани"
- Х.М. + О.К. § В.В.

КРАТКИ ІНТЕРВ'Ю: МИХАЛ КАПРА, НЕЗАПОМІЛЕНИ НЕРОБОТНІК У ПЕНЗІЇ

Михала Капру знаю шицки жителє з валалу. Ма 86 роки, а од того не роби 70 роки. Лем еден час робел робел як голуб писмоноша /5 роки/, але му стануло до крижох та престал робиц, цо роби и по нєшка.

ГЛАС РЕКТУМА: Панє Мижу, кеди сце почали неробиц?

МИХАЛ: Ей, сину мой, було то давно. Од малючка сом мушел зарабляц за хлєб, та сом од 10 рокох почал неробиц.

Г.Р: Дзе сце шицко неробели?

М: Нєт тей нероботи цо сом не робел, бо знаєце як тобариц Ленін гварел: Неробиц, неробиц и лем не-робиц !

Г.Р: Як ше на вас одражела тота неробота?

М: Повем вам ише едну присловку: Неробота створела чловека ! Тота неробота ме инспировала же бим и далей вредно ніч не робел.

Г.Р: З оглядом же сце у пензії, кельо длуго ише думаєце ніч неробиц?

М: Нє знам, мнє ше тота неробота пачи гоч сом уж стари и боля ме крижи, але покля сом годзен будзем неробиц.

Г.Р: Видзим, и унуки рушели по ваших крочайох, по цали дзень ніч не робя.

М: Прави су дідово унуки, а видзим, полюбели тоту нероботу. Пачи ше им...

Г.Р: Дзекуєме же сце з нами поприповедали и жадаме вам же би вам дальши живот бул полни зоз нероботу ?!!

М: Будзем ише длуго нероботнік кед ме здравє послужи.



Михал Капра зоз свою рибу, КЕРЕСТУР 1937.

Розгварку водзел: ОЛЕГ КОЛБАС

ТВ РУСКИ КЕРЕСТУР

- 7⁰⁰ Наява програми
- 7⁰⁵ Розпорядок пияцох
- 7²⁰ Ранша служба-знімок
- 8³⁰ Интервю зоз бабами у служби
- 9⁰⁰ /С/Хит дня
- 9³⁰ Гражданска война у Либерий-директни знімок
- 12⁰⁰ Хто умар?-информативна емисия
- 13⁰⁰ Куртопорски магазин-огваряцки маратон
- 15⁰⁰ Русин-Барселона-фодбалски суперкуп
- 16⁵⁰ Ніч-емисия за глухо-немошлєпих
- 18⁰⁰ Паприга нєшка, вчера, ютре-наукови форум
- 19¹⁵ Еротска серия
- 19³⁰ Хто умар?-информативна емисия
- 20¹⁰ Филмоскот-емисия о филму
- 21³⁰ Нє шикай по драже-емисия зоз култури
- 22⁴⁰ Хто умар?-информативна емисия
- 23¹⁰ Спортски прегляд-емисия о польопривреди
- 00¹⁵ Марш спац !!!
- 00²⁰ До бруци ноц

ТВ КОЦУР

- 7⁰⁰ Ранша програма-полупоруски
- 9⁰⁰ Булі зме у Кулі-авантуристична емисия
- 10⁰⁴ 21 вик-емисия о Р.Керестуре
- 11³⁰ Забавя вас и нас "Еши кушик бенд"-музича емисия
- 12⁰⁵ Гнявник 1-информативна емисия
- 12³⁷ Пребачце пре претаргнуце програми
- 12³⁹ Оправяне зуба заменікови секретаровой чистачки Месней заснїци Коцур-репортажа
- 14⁰⁰ Бежанє до висока-першенство Коцура
- 18²⁰ Новшорска панорама
- 19³⁰ Гнявник 2-информативна емисия
- 20⁰⁵ Звит зоз наживи З.Лилича по Сао Томе и Принципеу, Тогоу Тринидаду и Тобагу и Малацковим хліве
- 21⁰⁵ Е П П
- 22¹⁰ Вельки Коцур-науково фантастични филм
- 23⁴⁵ Добре рано!-емисия за добру ноц

Х.М.

ВАЖНЕ ОБВИСЦЕНЄ,!!!

Кед же сце нє могли ostatnich дньох лапиц керестурску и коцурску ТВ, то пре премену фреквенций. Од тераз ТВ Керестур може лапиц на Старимбегелю на хлісту, а ТВ Коцур на цесто.

Х.М.

ДАСКЕЛЬО НАДПОМНУЦА

1. ДР Мартин Шичарка вецей нє у могучности давац одвити на ващо питаня, бо доказане и аргументоване же у штредней школи на контролним преписовал од своєї товаришки и прето му однята докторска диплома, а нашо углядни новини пре свой рейтинг нє можу допушци фалсификатором же би давали читательом своєю /нє/фахово совити. /То едно виреченє/

2. Автор фельтона "250 роки од приселєня народнякох до тих крайох" лапел сам себе у пияним станю як наручує на опрштайней писню "Гей салаши", и заключел же є од того моменту нє адекватни за писанє одного такого велького фельтона котри оброблює єден таки вельки проблем нашей /нє/култури. /Друге виреченє/

О.К.

КРИЖАЛКА

1 К	2 О	3 Л	4 Е	5 К	6 А	7 М	8 И	9 Н
10 Б	11 И	12 Ч	13 А	14 І	15 О	16 Р	17 А	
18 Л	19 О	20 Г	21 Н	22 О	23 К	24 Ш	25 И	26 Р
27 Б	28 Р	29 А	30 Н	31 А	32 У	33 А	34 К	
35 И	36 М	37 А	38 Т	39 Е	40 Р	41 О	42 О	
43 С	44 Е	45 Р	46 З	47 В	48 +	49 Т	50 М	
51 Г	52 О	53 Н	54 О	55 Р	56 Е	57 А	58 О	59 А
60 Д	61 Т	62 Д	63 Р	64 Д	65 М	66 Н		
67 Н	68 А	69 Н	70 А	71 К	72 А	73 З	74 А	
75 А	76 З	77 А	78 Р	79 А	80 Ж	81 Е	82 Н	83 И

УВАГА-ВВАРНИК

Тота крижалка ше розликує од других. Маце понукнути рішення, а на вас стої же бисце потрафели як глаша питаня. Ніч простейше не могло буц. Шешліво.

НАЛЕЖАЦО /КРИЖОМ/:

1 - 36 = ?????

НАСТОЯЦО /УЗДЛУЖ/:

1 - 36 = ?????

Х А , Х А , Х А ! ! !

Автор крижалки и рішенняох: Хорняк Мирко-Коле

НАСТОЯЦО/УЗДЛУЖ/: 1. Главни и не-
оличительни ректор "Гласа Ре-
ктума" 2. Синоним за скупшину,
3. Калічене при фодарех кед
не им не бета по блане, 4. Уши
жк, 5. Прето же ми то перша кри-
жалка, 6. Тото по повене посто-
рови, 7. Наш революционер Лине,
8. Озео у Канади за кодре знаю
вене лозе як за Ченрику Ва-
параняке кумаратунту, 9. Найто
штенши криминален у фодарит,
10. Цанов рошни харач, 14. Подре
теде, подре лому а пенез чурри,
16. "Музика", малтретирене инс-
трументох по сербско-Лурски,
21. У школи е тисвчка, 22. Нас-
тавник техничного оразованя,
23. Бона и уличниокит котри
купуеце у флвхож, 25. Пинос, 26.
Озанака за 100мт, 27. Мелки знак
поребачом, 31. Два гласи, три бу-
кви, 32. = 29, 35. Пол осмици, 367.
Число 1 на православним римс-

НАЛЕЖАЦО/КРИЖОМ/: 1. Главни и неоди-
нотелни ректор "Гласа Ректума", 2.
Тото по ест у ЛСА филох, а нет лума
9, 5. Глупе, але традиционане, 11. Ро-
бип загато комунистом, 12. Тот котрому
пречка лому, 13. Там ладни починаю пре-
вип сраня, 15. Окальце банкур вита-
нал, 17. Найкаше слово улуцене суци
нови, 18. Авто-озанака за Белити, 19.
Скр. за пинирини без кондонантох, 20.
И в теде, 22. Авто-озанака за сран, 23.
Литута у Англит, 26. императив од о-
коча велрку нужу, 24. Златко Бартов
любн Ланн Миколову, 26. Та таке та,
28. Хем. озанака за отровни азот, 29.
Познати бетель у Никаратви, 31. Не-
точне скрапене за невоксидонук-
леинску квантну, 32. Нам ше пачи/нар/
33. Найташка ватого летины, 35. Три
женки напата, 38. /срета, азбул сом/
Мезаниарочна озанака за пол димеара

СПОРТ

Ф О Д Б А Л

РУСИН - СТАРА МОРАВИЦА 4 : 3 /2 : 3/

Руски Керестур:Стадион при Дороказия,патрачо:250 людзох,10 гуски,15 кури,20 цверчки,пар птици и еден пес. Судия: Шандор Пул /Ильков салаш,перши гони на билей кед идзет по босей/. Голи дали: Заваров 4. и 20. минута,судия 69.и непознати патрач у90. минути за Русин,а за Стару Моравицу Роналдо у 1.,2.,и3. минути.

Кед Роналдо котри бави на двойну регистрацию за Стару Моравицу и еден анонимни шпански клуб дал три голи за три минути,навияче Русина почали напушовац стадион и рушац ше до "Новей"/карчма у Керестуре/,а вец Заваров зменшал у 4. минути на 1 : 3. Причина слабому початку то напевно соботови бал СД "Русин",так же цала екипа була трома,невиспана и як з помитком вдерена. Але Русину було досц 4 минути же би успоставел ровновагу на терену. У 20. минути Заваров посцитнул ище еден гол,и на одпочивок ше цо пошло,цо одгегало зоз 3:2 за госцох. У другим полчасу нове лїцо и хрибет Русина. У 69. минути после вдереня Жуваного,лабда ше одбила од судию и закончала у голу госцох. Бліжел ше и конец,а резултат глашел 3:3 за нікого,и вец у 90. минути,док судия мєнял марки зоз помоцніками,непознати патрач убегнул до терену и зоз руками унес лабду до голу и поставел конєчни резултат. Змаганє було фєр и корєктнє без картонох,фоліюх и пластичних масоx,але шпляху на змаганю зохабел судия,котри за марку питал 3,8. Подросток Русина не одбавел змаганє пре гришку госцох котри привели подросток женского рукометного клуба. На слїдующу недзєлю Русин бави у Сентиваню.

О.К.

Михаел Шумахер,вожач"Фєрария" бсвоєл вельку награду Сивца на кирбау на збивацїх авточкох. познатоу вожачови формули H2SO4 як награда припадул еден жетон котри подаровал до хуманитарного фонду " Бони и Клайд ". Х.М.

Кошаркаше Русина направели черанку зоз Чикаго Булсами. До шорох керестурцох прєшли Джордан и Пипен,док Русин дал Хорняка,Колбаса,гольт орачей жеми на Селищу плус Першенство вибора на драфту 1783. року. Х.М.

На слїдующу стрєду ше бави кваліфікаційнє змаганє за першенство Нєптуну медзи репрезентациями Югославїї и Тогоа. Нашо буду ослабєни бо,найвироятнєйше,зоз екипи виостанє Бранко Зебец котри умар пред 8 роками. Кед вам не украднє телевизор,можеце патриц прєнос на радию од 20 1/8. 5V-56 годзин. Х.М.

Ватерполо змаганє медз Коцуром и Будбанску Ривїєру не одбавєна бо коцурци немаю ватерполо клуб. Х.М.

Олимпияда старих руских спортох 01.-02.01.1997. Златни медалї

- Заглобїованє древка до бренка-ДИНГ ДОНГ БРЕНК /Китай/
- Змаганє у швидким самозобїйству-ВИШЕСЛАВ ШТРАНГАР /Р.КЕРЕСТУР/
- Правєнє котулькох зоз сушинкох- РАДИЮС ОГРОМНИЮС /Литванія/
- Цильованє елетрикох на бандєрох- МАЙКЛ НЄГРЕЙ /З А Д/
- Руцанє сусєдєвой кукурици до свєйого чардака- ВЕРУНА ПОЛВОЛЫТА /Р.КЕРЕСТУР/

Х.М.

Дежурни астролог: Мирко Хорняк-Коле

Китайски хорорскон

ПАТКАЊ: Можповесц домашня животиња. Ма вельо подобносци зоз политичаром. Покраднє вам шицку кукурицу, а пенєжи не да. Китайци их не едза бо воля рискаши.

БИВОЛ: То вам якишик вельки крави яки не маю, ані керестурски парасты. Символ су моци и глупосци. Китайци их не едза бо воля рискаши.

ТИГРИШ: Опасна зла и бесна дзива животиња зоз фамилииї мачкох. Тигри постали славни по цалим швеце аж кед Цеца зошила гачи зоз едного. Китайци их не едза бо воля рискаши.

МАЧКА: Животиња зоз фамилииї тигрох. То вам тото цо ше шпота по-под ноги и гняви вас. Може ше повесц же то файта мишоловки котру мушиш кармиц. Китайци их не едза бо воля рискаши.

ШАРКАЊ: У крижалькох ала. Вимарти бесни жвири/Од кеди вимарли тасувецей не бесни/. Праисторийним людзом служели як бутанска флята кед клали швию. У нашим часу то фалат паперу делтоидного формату котри дзеци пушаю на шtrandжгу кед дус витор. Од кеди вимали, Китайци едза лем рискаши.

ГАД: Совершене ество-лєжи, аходзи. У нашим валалє нет отровни гади та ше мушме бац од обичних. Китайци их не едза бо воля рискаши.

КОЊ: То вам штироножни трактор котри место нафти троши шено. Недайбоже да станєце до того цо му виходзи зоз ауспуху. У войски ше є месо зоз нього, але у китайскей не, бо вони воля рискаши.

КОЗА: Хасновита домашня або дзива животиња КОТРА ДАВА МЛЕКА. Не виберна животиња: є шицко од кукурици, преїг маїцох зоз паньвашику та по шатри на вилєту. Китайци ю не доя бо воля рискаши.

МАЙМУН: /у преводу: мой мешац/ Животиња чийо шицки епитети ма и чловєк. Людєе настали зоз маймуна, гоч то вельо раз винатра же наспак. Маймуни едза банани, а китайци не, бо воля рискаши.

КОГУТ: Кура котра не нєше вайца, а чийо єдине подношлїве агрегатнє стане то кед є у гарчку. То пирйове створєнє за котрим найчастейше руцаце цеглу. Китайци их не едза бо воля рискаши.

ПЕС: То ци куцов. То тото цо брєха и зноши здохлїни до двора. Животиња котрей характеристика же виходзи вонка кед ю трмаце нука, а уходзи нука кед ю тримаце вонка. Корєянцом юшка зоз нїх национални спєиялитет, док их Китайци не едза бо воля рискаши.

ВЕПЕР: Швиньов муж, жєц, швєкор, брат, кум... Синоним за пияного чловєка. Масовно го едз Астерикс и Обеликс, але вони Гали а не Китайци. Китайци воля рискаши.

ПРОГНОЗА ХВИЛІ /Метеорологічний звіт/

РУСКИ КЕРЕСТУР: Габи жимного воздуху и югозаходно-сиверовосто-
чного антициклону зоз Антарктику и Данчовой долини наваля на
Керестур як баби на гласацки листок. На ютре у Керестуре будзе
хвилі. И то надосц. Гей. Метеорологове нам обещали же будзе су-
хо и тепло кед не попада або не завеє. Рано будзе молГОВНО и
то вжине, док пополадню могуше михалово лето. Предвечаром могу-
ши каменец, але не тмели бизме же бат ставиц. Як будзе вонка то
шицко завити од хвилі. Вноци будзе цма.
Найнізша дньова температура мое буд коло -18 ступні / +10% /,
док найвисша будз 38 ступні, так од ока. Озда. Кед же не спреве-
даме.

СРАНЕ РИКОХ И ОЗЕРОХ:

- Бегель +194 цм /кед бандур не пуши воду/
- Буяча долина +12 цм /кед же дахто не ушка/
- Ярок при Буцийовим салашу -6 цм /кед не будзе даякого сраня/
- Бара опрез уходу на пияц +76 цм /кед попада голем 5 минути/

Дежурни метеоролог: Мирко Хорняк-Кольчицки

ВИБОР ГРАФИТОХ ЗОЗ ЦИГЛАШОРУ

1. ДОБРИ ДЗИВКИ ДОБРИ, АЛЕ НЕДОБРИ ИМЕ ЛЕПШИ
2. ДАКЕДИ СОМ БУЛ УОБРАЖЕНИ, АЛЕ СОМ НЕ ОШЛЕБОДЗЕЛ И ТЕЙ ХИБИ
ТА СОМ ПОСТАЛ СОВЕРШЕНИ
3. ДУМАМ ЖЕ ИСНУЕМ-ЗНАЧИ ИСНУЕМ, ТАК ГОЛЕМ ДУМАМ
4. ЛЮБИМ ПЕРДЗИЦ-ТО МОЙ НУКАШНІ ГЛАС
5. КЕД НА ДРУГИХ ПЛАНЕТОХ ЖИВОТ НЕМОГУШИ-НЕ ЛЕГКИ Є АНІ НА НАШЕЙ
6. ЛЕПШЕ НІГДА ЯК ПОЗНО
7. СКР. ТО СКР. ЗА СКР.
8. ШИЦКИ ЗМЕ У ИСТИМ ЧАМЦУ, ЛЕМ ЄДНИ ВЕСЛАЮ А ДРУГИ ЛАПАЮ РИБИ
9. АНІ БУДУЧНОСЦ НЕ ТАКА ЯК ЦО ДАКЕДИ БУЛА
10. ГЛІВОКО У ДУШИ НАИСЦЕ ШИ ПЛІТКИ

Преведол и обробел: Олег Колбас

Р Е А Г О В / Н / А Н Я:

Як сом могол култ банановой чоколадки так очарніц?


/ О. Колбас: приповідка "Бананова чоколадка", Глас Ректума число 1
01.01.1996. /

Недошлебодзуєм сам себе писац таки гадосци о банановой чоко-
ладки котра важи як символ мира, шлебоди и епидемії КОЛЕри. Ав-
тор/я/ поровнує метафорично бананову чоколадку зоз оружийом, во-
йну и шицкими такими гадосцями, незнаючи за факти истей. Потим
виночим неправдиви, тенденциозни и нїзозчим виволани злонамирни
податки, мишам баби и жаби, єм говна, док ме даяки ширилюбєц до-
тичней не дочека за муриком и не забие бога у мене. Думаю же би
че у ваших/наших/требало вецей водзиц рахунку о тим же яки би
сє тексти требали пушац до преси, бо заш лєм пре це/мене/ бана-
нова чоколадка очарнета на двох континєнтох/Новини же нашли у
З А Д и у Канади/, а верим и у цалей вселени. Зоз тим апелуєм
на себе же бим престал срац себе до танєра. З непочитованьом

НАТУРАЛО

Дня 03.01.1997. наворачую-
че 2 чежки и зоз млатками
и каменями у ларно-билих
шматох полии роки одкеди
прежил

ИРИНЕИ ГОПЦУИ



Мелана

Мили мой,наисце це усра-
ло,же шекерка була тупа,
а твоя глава тварда

Твоя супруга Мелана зоз
Падинскей Скели

П.С. Ноги ци орубем кед
учуем же ши бул у ней на
кафу !!!

Х.М.

Дня 17.11.1996. умар наш
мили и нїгда прежалени
МИХАЛ ПЕРЕСТРОЙКА,
ношитель партизанскей па-
мятнїци, ордена братства и
и единства, мехох з вешта-
ком и кратких панталонох
Твойо:Тито, Ленїн, Гагарин
и Лайка

После краткей и чежкей
короти конечно умарла



Феброна Ковач
родз. Тривач

Любели зме це и за твою
добро зме ци совитовали
же замешка вельо смачне-
йша без отрова за патка-
нї,але не послужала ши.
Твойо мено,подоба и пе-
нежи котри остали у бан-
ки занавше останю у наших
шерцох и бутеларох.

По теметов твойо: син
Михал зоз жену Владом. Х.М.

Найше зоз вас не шмею док
умреце! Найквалитетнейши
тексти за ин мемориями,ос-
татнї поздрави итд.

Лем у ГЛАС-у РЕКТУМА О.К.



